

### III. OUTRAS DISPOSICIÓNS

#### VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

*RESOLUCIÓN do 29 de xuño de 2015, da Secretaría Xeral para o Deporte, pola que se establecen as bases reguladoras para a concesión de bolsas, en réxime de concorrencia competitiva, de tecnificación e rendemento deportivo para o Centro Galego de Tecnificación Deportiva para a tempada 2015/2016 e se procede á súa convocatoria.*

A Lei do deporte de Galicia, Lei 3/2012, do 2 de abril, dedica o seu título II ás competencias das administracións públicas galegas en materia de deporte, onde o artigo 5 consagra as competencias que lle corresponden á Administración autonómica, segundo o establecido no artigo 27.22 do Estatuto de autonomía de Galicia, especificando no punto 1, letra m), a atribución desta Administración no fomento e regulación do deporte e dos deportistas de alto nivel de Galicia así como os seus beneficios.

En prol da definición da política deportiva autonómica, fixando as directrices e programas de fomento e desenvolvemento do deporte galego dos seus diferentes niveis, a Secretaría Xeral para o Deporte da Xunta de Galicia está a dotar o deporte de alta competición dos medios necesarios para a mellora do seu nivel técnico. Con este obxectivo, establécense as bases reguladoras da concesión de bolsas, en réxime de concorrencia competitiva, de tecnificación e rendemento para o Centro Galego de Centro Galego de Tecnificación Deportiva (en adiante CGTD) para a tempada 2015/2016, e procédese á súa convocatoria, que se axustará ás seguintes disposicións xerais.

#### CAPÍTULO I Disposicións comúns

##### Artigo 1. *Obxecto da convocatoria*

1.1. A presente convocatoria ten por obxecto a concesión das bolsas para o Centro Galego de Tecnificación Deportiva (en adiante CGTD), co fin de facilitar o adestramento dos deportistas de tecnificación e rendemento, creando un clima de adestramento e convivencia entre deportistas de diferentes especialidades deportivas, fomentando a educación integral dos deportistas que favoreza o seu desenvolvemento persoal e facilitando a mellora do seu rendemento deportivo coa finalidade de alcanzar o máximo nivel competitivo.



1.2. Para os efectos da presente resolución, o CGTD dispón das instalacións situadas na cidade de Pontevedra, na rúa Padre Fernando Olmedo, 1, e no Complexo Náutico de Pontillón do Castro en Verducido, así como as relativas ao Centro Galego de Vela, situado na Rampa de Cavadelo, s/n, na localidade de Vilagarcía de Arousa. Todas elas cualificadas, xunto cos programas que nelas se desenvolven, polo Consello Superior de Deporte na Resolución do 27 de maio de 2014, publicada no BOE nº 137, do 6 de xuño, como instalacións deportivas para o desenvolvemento do deporte de alto nivel e competición.

#### Artigo 2. *Réxime xurídico*

– Lei 30/1992, do 26 de novembro, de réxime xurídico das administracións públicas e do procedemento administrativo común.

– Lei 3/2012, do 2 de abril, do deporte de Galicia.

– Lei 9/2007, do 13 de xuño, de subvencións de Galicia.

– Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

#### Artigo 3. *Solicitudes. Forma, lugar e prazo de presentación*

3.1. Poderán presentar solicitudes para esta convocatoria, as federacións deportivas de modalidades olímpicas e paralímpicas de deportes individuais que sexan compatibles cos servizos e instalacións do CGTD, presentando candidatos se contan cun grupo de tecnificación e/ou rendemento con deportistas que cumpran os requisitos establecidos no artigo 4 desta resolución e que se axusten á política deportiva autonómica establecida pola Secretaría Xeral para o Deporte.

3.2. As solicitudes deberán presentarse en soporte papel, preferiblemente no Centro Galego de Tecnificación Deportiva, r/ Padre Fernando Olmedo, 1, 36002 Pontevedra, ou en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común, utilizando o formulario normalizado dispoñible (anexo I) na sede electrónica da Xunta de Galicia, <https://sede.xunta.es>.



Cada solicitude deberá ir acompañada dos seguintes anexos:

a) Para os solicitantes das instalacións do CGTD situadas en Pontevedra:

Documentación	Unidades
Anexo II-Proxecto de tecnificación e/ou de rendemento para o curso 2015/16.	1
Anexo III-Proposta do equipo técnico.	1 por persoa
Anexo IV-Adestrador responsable da sección deportiva: declaración de coñecemento das súas funcións e declaración de non estar en situación de incompatibilidade.	1
* Anexo V-Adestrador responsable de grupo: declaración de coñecemento das súas funcións.	1 por persoa
Anexo VI-Valoración dos deportistas. Documentación requirida no anexo III das bases de convocatoria.	1 por persoa

\* En caso de haber adestradores de grupo.

b) Para os solicitantes das instalacións situadas en Vilagarcía de Arousa no Centro Galego de Vela:

Documentación	Unidades
Anexo II-Proxecto de tecnificación e/ou de rendemento para o curso 2015/16.	1
Anexo III-Proposta do equipo técnico.	1 por persoa
Anexo VI-Valoración dos deportistas. Documentación requirida no anexo III das bases de convocatoria.	1 por persoa

3.3. A sede electrónica da Xunta de Galicia ten á disposición das persoas interesadas unha serie de modelos normalizados dos trámites máis comunmente utilizados na tramitación administrativa, que poderán ser presentados en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

3.4. O formulario de solicitude e demais anexos requiridos estarán tamén dispoñibles na páxina web da Secretaría Xeral para o Deporte <http://deporte.xunta.es/>. Poderanse cubrir e imprimir a través desta web.

3.5. O prazo de presentación das solicitudes por parte das federacións deportivas será dun mes contado desde o día seguinte ao da publicación da convocatoria no *Diario Oficial de Galicia*. Se o último día de prazo é inhábil, entenderase prorrogado ao primeiro día hábil seguinte. Se no mes de vencemento non houber día equivalente a aquel en que comeza o cómputo, entenderase que o prazo expira o derradeiro día do mes.



Durante este prazo os deportistas individualmente poderán manifestar á federación da modalidade deportiva á que pertencen o seu interese en seren incluídos no seu proxecto deportivo.

3.6. De conformidade coa Lei orgánica 15/1999, do 13 de decembro, de protección de datos de carácter persoal, os datos persoais recollidos na tramitación desta disposición, cuxo tratamento e publicación autoricen as persoas interesadas mediante a presentación das solicitudes, serán incluídos nun ficheiro denominado Relacións administrativas coa cidadanía e entidades cuxo obxecto é xestionar o presente procedemento, así como para informar as persoas interesadas sobre o seu desenvolvemento. O órgano responsable deste ficheiro é a Secretaría Xeral para o Deporte. Os dereitos de acceso, rectificación, cancelación e oposición poderanse exercer ante a Secretaría Xeral para o Deporte, mediante o envío dunha comunicación ao seguinte enderezo: Secretaría Xeral para o Deporte, rúa Ourense, núm. 6, 15781 Santiago de Compostela, ou a través dun correo electrónico a: [secretaria.deporte@xunta.es](mailto:secretaria.deporte@xunta.es).

#### Artigo 4. *Avaliación de solicitudes*

Crearánse dúas comisións de avaliación das solicitudes, a Comisión de Análise e Comisión de Selección.

##### 4.1. Comisión de análise.

Haberá unha por cada federación galega que solicite a renovación/incorporación do seu programa e estará formada por:

- Presidente: director/a do CGTD.
- Vogal: subdirector/a do CGTD.
- Vogal: presidente da federación galega correspondente ou persoa en quen delegue.
- Vogal: director técnico da federación galega correspondente.
- Vogal: un representante da Secretaría Xeral para o Deporte.

As funcións da Comisión de análise serán:

- Analizar a documentación presentada pola federación.



- Comprobar o cumprimento dos diferentes aspectos da convocatoria.
- Informar a federación dos aspectos que requiran ser modificados ou completados.

#### 4.2. Comisión de selección.

A comisión de selección estará constituída por:

– Presidente: subdirectora xeral de Plans e Programas da Secretaría Xeral para o Deporte.

– Vogal: director/a do CGTD.

– Vogal: subdirector/a do CGTD.

– Vogal: técnico da Secretaría Xeral para o Deporte.

– Secretario: funcionario da Secretaría Xeral para o Deporte.

As funcións da comisión de selección serán:

– Valoración das solicitudes posteriormente á análise realizado destas pola comisión de análise.

– Valoración e ratificación, se é o caso, dos informes emitidos pola dirección do centro sobre a estadia como bolseiro do CGTD, durante o curso escolar anterior a esta convocatoria, daqueles deportistas que soliciten a renovación da bolsa.

– Elevar ao secretario xeral para o Deporte a proposta de resolución, en virtude da cal se outorgará a concesión das bolsas para o CGTD na tempada e curso escolar 2015/16.

A comisión de selección poderá modificar a orde da lista, eliminar algún dos candidatos presentados, ou introducir algún deportista con base nos criterios de selección establecidos no punto sexto desta orde.

A Secretaría Xeral poderá solicitar todas as xustificacións que considere necesarias sobre a orde na que os deportistas son propostos pola federación, e/ou sobre a ausencia algún destacado deportista na lista.



### Artigo 5. *Obrigas das federacións deportivas solicitantes*

5.1. As federacións quedarán obrigadas a publicar nas súas páxinas web esta convocatoria, así como unha relación dos deportistas que manifestaron o seu interese para seren incluídos no seu proxecto deportivo.

5.2. As federacións deportivas galegas sobre unha base dun proxecto deportivo integral no que figure un grupo de adestramento e unha cobertura técnica suficiente que garante a preparación dos deportistas, tal e como se especifica no anexo II, deberán realizar un estudo previo de cada unha das solicitudes recibidas, así como de cada un dos deportistas que propoñan.

### Artigo 6. *Instrución do procedemento*

6.1. Correspóndelle a comisión de selección, establecida no artigo 4.1., a instrución do procedemento.

6.2. Finalizado o prazo para a presentación das solicitudes, a comisión de análise estudarán a documentación presentada polas federacións deportivas, as cales explicarán o proxecto deportivo presentado (anexo II), e comprobará o cumprimento de todos os aspectos da convocatoria, sendo a federación deportiva galega a responsable da autenticidade dos datos achegados.

6.3. Unha vez rematado o estudo por parte da comisión de análise da documentación presentada por cada federación deportiva, o/a presidente/a desta remitirá a totalidade da documentación presentada que cumpra as exixencias contidas nestas bases á comisión de selección, que será a encargada da valoración das solicitudes recibidas e formulará a proposta motivada de resolución provisional, que será comunicada aos solicitantes (federacións deportivas) e que deberá expresar:

- As federacións solicitantes.
- Os deportistas bolseiros.
- O réxime da bolsa concedida.

### Artigo 7. *Resolución e notificación*

7.1. Rematados os exames da convocatoria extraordinaria (setembro), a comisión de selección, tendo en conta os seus resultados, formulará a proposta motivada de resolución



definitiva, que será elevada ao titular da Secretaría Xeral para o Deporte, órgano encargado de resolver sobre a concesión ou denegación das solicitudes presentadas.

7.2. O prazo máximo para resolver e notificar a resolución non poderá exceder os tres meses contados desde o día seguinte ao da data de publicación desta resolución no DOG. Esgotado este prazo sen resolución expresa, deberá entenderse desestimada a petición correspondente por silencio administrativo.

7.3. De conformidade co establecido no artigo 59.6.b) da Lei 30/1992, do 26 de novembro, de réxime xurídico das administracións públicas e do procedemento administrativo común, a notificación levarase a cabo mediante a publicación no *Diario Oficial de Galicia* e na páxina web da Secretaría Xeral para o Deporte, con indicación das federacións solicitantes, os deportistas bolseiros e o réxime da bolsa concedida.

7.4. Notificada a resolución polo órgano concedente, o beneficiario disporá dun prazo de dez (10) días para a súa aceptación; transcorrido este sen que se produza manifestación expresa, entenderase tacitamente aceptada.

#### Artigo 8. *Réxime de recursos*

As resolucións ditadas ao abeiro da correspondente resolución de convocatoria porán fin á vía administrativa e contra elas poderán interporse os seguintes recursos, sen prexuízo de que os interesados poidan exercer calquera outro que consideren procedente:

a) Recurso potestativo de reposición ante o secretario xeral para o Deporte no prazo dun mes contado a partir do día seguinte ao da notificación da resolución, se esta for expresa, ou de tres meses contados a partir do seguinte a aquel en que se produza o acto presunto.

b) Recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia, no prazo de dous meses contados a partir do día seguinte ao da notificación da resolución, se esta for expresa, ou de seis meses contados a partir do seguinte a aquel en que se produza o acto presunto.



## CAPÍTULO II

**Bolsas para as instalacións do CGTD situadas en Pontevedra**Artigo 9. *Natureza, número e duración das bolsas*

## 9.1. Natureza.

## 9.1.1. Grupo de tecnificación.

Deportistas que fagan 15, 16, 17 ou 18 anos en 2016 (nados nos anos 2001, 2000, 1999 e 1998). Excepcionalmente poderanse atender solicitudes que por razóns académicas non se axusten ao rango de idade sinalado: alumnos de altas capacidades que, logo de autorización da Consellería de Cultura, Educación e Ordenación Universitaria cursen 3º de ESO con menos de 15 anos e alumnos de 2º de bacharelato que, por ter repetido algún curso, antes do seu ingreso no CGTD, superen os 18 anos.

– Praza de residente: residentes de fóra do concello de Pontevedra.

Beneficios da praza: matrícula no IES adscrito ao centro, aloxamento (de domingo a xoves) e manutención completa (de luns a venres), servizo de lavandaría, incorporación ao grupo de adestramento da súa modalidade, instalacións deportivas, servizo médico-deportivo, servizo de fisioterapia e titoría.

– Praza de externo 1: residentes no concello de Pontevedra.

Beneficios da praza: matrícula no IES adscrito ao centro, xantar no comedor da residencia (de luns a venres), incorporación ao grupo de adestramento da súa modalidade, instalacións deportivas, servizo médico-deportivo, servizo de fisioterapia e titoría.

## 9.1.2. Grupo de rendemento.

Deportistas de máis de 18 anos.

– Praza de residente: deportistas que fagan de 19 a 25 anos en 2016 (nados do ano 1997 ao 1991) que residan fóra do concello de Pontevedra, que estean matriculados nalgún centro educativo.

Beneficios da praza: aloxamento (de luns a domingo) e manutención completa (de luns a venres), servizo de lavandaría, incorporación ao grupo de adestramento da súa modalidade, instalacións deportivas, servizo médico-deportivo e servizo de fisioterapia.





– Praza de externo 2: deportistas que fagan de 19 a 25 anos en 2016 (nados do ano 1997 ao 1991).

Beneficios da praza: xantar no comedor da residencia (de luns a venres), incorporación ao grupo de adestramento da súa modalidade, instalacións deportivas, servizo médico-deportivo e servizo de fisioterapia.

– Praza de externo 3: deportistas maiores de 18 anos.

Beneficios da praza: instalacións deportivas, servizo médico-deportivo e servizo de fisioterapia.

– Elite: deportistas maiores de 25 anos.

Beneficios da praza: xantar no comedor da residencia (de luns a venres), instalacións deportivas, servizo médico-deportivo e servizo de fisioterapia.

A adxudicación do tipo de praza (externo 2, externo 3 ou elite) está determinada ademais pola aplicación dos criterios establecidos no punto sexto desta convocatoria.

## 9.2. Número de bolsas.

Convócanse un máximo de 195 prazas.

– Grupo de tecnificación:

– Ata 80 prazas de residente.

– Ata 10 prazas de externo 1.

– Grupo de rendemento:

– Ata 12 prazas de residente (grupo rendemento).

– Externo 2, externo 3 e elite, ata un máximo de 93 prazas. A decisión da comisión de selección segundo os criterios establecidos no punto sexto da convocatoria.

A Secretaría Xeral para o Deporte, vista a proposta da comisión de selección, poderá cubrir ou non a totalidade das prazas ofertadas.



### 9.3. Duración das bolsas.

A duración das bolsas será desde o 15 de setembro de 2015 ata o 31 de xullo de 2016, exceptuando o grupo de residentes de tecnificación que rematará a última semana de clases.

### Artigo 10. *Beneficiarios*

Poderán ser beneficiarios das bolsas para deportistas no CGTD todos aqueles deportistas que cumpran os requisitos que se detallan a seguir:

– Ter nacionalidade española.

– Estar en posesión da licenza deportiva, na modalidade para a que se presenta a solicitude, emitida pola federación galega correspondente ou ben pola federación española correspondente, no caso de que a federación galega da modalidade en cuestión non estivese integrada na federación española.

Poderase valorar, segundo informe técnico da comisión de selección e, como caso excepcional, o incumprimento deste requisito unicamente nas bolsas de elite.

– Para os grupos de tecnificación, deberase pertencer a un club deportivo galego ou sociedade anónima deportiva dada de alta no Rexistro de entidades deportivas de Galicia así como estar empadroadado nun municipio da Comunidade Autónoma de Galicia.

– Os deportistas propostos para praza de residencia ou de externo 1, deberán ter promocionado de curso na convocatoria ordinaria de xuño 2015 ou na extraordinaria de setembro 2015 (non se considera a promoción por imperativo legal). Excepcionalmente, poderase considerar a posibilidade de repetición daqueles deportistas cuxas federacións xustifiquen que participaron, con posibilidade de seguir participando, en campionatos de Europa, do mundo e/ou xogos olímpicos.

Non poderán obter a condición de beneficiarios aquelas persoas que concorren nalguna das circunstancias establecidas a seguir:

– Ter un informe negativo da Dirección do CGTD e ratificado pola Secretaría Xeral para o Deporte, a través da comisión de selección (punto 8.2 da presente convocatoria), sobre o seu comportamento durante a súa estadia como bolseiro no CGTD durante o curso inmediatamente anterior ao desta convocatoria.



– Estar sancionado en firme por dopaxe.

– Estar sancionado en firme por algunha das infraccións previstas no artigo 14 do Real decreto 1591/1992, do 23 de decembro, sobre disciplina deportiva (BOE do 19 de febreiro de 1993).

– Estar sancionado en firme por algunha das infraccións previstas no artigo 97 da Lei 3/2012, do 2 de abril, do deporte de Galicia.

#### Artigo 11. *Criterios de valoración*

##### 11.1. Criterios de valoración para os deportistas de tecnificación.

###### 11.1.1. Criterios deportivos:

– Deportista membro da selección nacional da súa categoría nos anos 2014 e 2015: 5 puntos.

– Mellor resultado no Campionato de España do ano 2014 ou 2015 (de 18 a 9 puntos):

1º posto: 18 puntos.

2º posto: 17 puntos.

3º posto: 16 puntos.

4º posto: 15 puntos.

5º posto: 14 puntos.

6º posto: 13 puntos.

7º posto: 12 puntos.

8º posto: 11 puntos.

9º posto: 10 puntos.

10º posto: 9 puntos.



– Mellor resultado nos campionatos galegos dos anos 2014 ou 2015 (de 9 a 2 puntos):

1º posto: 9 puntos.

2º posto: 8 puntos.

3º posto: 7 puntos.

4º posto: 6 puntos.

5º posto: 5 puntos.

6º posto: 4 puntos.

7º posto: 3 puntos.

8º posto: 2 puntos.

#### 11.1.2. Criterios académicos:

– Se remata o curso en xuño con todo aprobado e cunha nota superior a 8: 5 puntos.

– Se remata o curso en xuño con todo aprobado e cunha nota media entre 6 e 8: 4 puntos.

– Se remata o curso en xuño con todo aprobado e cunha nota media inferior ao 6: 2 puntos.

11.1.3. Outros criterios. Deportista bolseiro do grupo de tecnificación no curso escolar anterior a esta convocatoria:

No caso de deportistas que aspiren a renovar a súa bolsa de tecnificación, terase en conta a valoración final residencial sobre o grao de aproveitamento e adaptación aos servizos residenciais conforme as normas de convivencia durante o curso 2014/15, da seguinte forma:

Valoración final satisfactoria: 2 puntos.

Valoración final mellorable: 1 punto.

Valoración final non satisfactoria: -1 punto.



## 11.2. Criterios de valoración para os deportistas de rendemento.

### 11.2.1. Prazas de residente.

– Deportistas que remataron a súa bolsa como integrantes do grupo de tecnificación (residentes e externo 1), que estean incluídos nalgúns dos programas de axuda ao deportista olímpico/paralímpico: 10 puntos.

– Deportistas que, sen ter sido bolseiros do grupo de tecnificación previamente, estean incluídos nalgúns dos programas de axuda ao deportista olímpico/paralímpico: 5 puntos.

– Deportistas que formasen parte da selección española durante os dous últimos anos: 3 puntos.

### 11.2.2. Prazas de externo 2.

Segundo esta orde de prioridades ata cubrir as prazas ofertadas.

1º. Para deportistas participantes no Campionato do Mundo, Campionato de Europa ou Copa do Mundo nos anos 2014 ou 2015.

2º. Para deportistas que, no momento da publicación da convocatoria, estean entre os 2 primeiros postos do ránking nacional da súa categoría na presente tempada (2014/2015).

3º. Para deportistas campións ou subcampións de España na súa modalidade no ano 2014 ou 2015.

4º. Para deportistas que participasen coa selección española durante os dous últimos anos.

### 11.2.3. Prazas de externo 3.

Segundo esta orde de prioridades ata cubrir as prazas ofertadas.

1º. Deportistas maiores de 18 anos que quedasen nos postos 3º ou 4º no Campionato de España do ano 2014 ou 2015.

2º. Deportistas maiores de 18 anos que ocupen os postos 3º e 4º do ránking nacional no momento da publicación da convocatoria.



3º. Deportistas maiores de 18 anos que xustifiquen ter a condición de DGAN/DAN/DAR en vigor.

4º. Deportistas maiores de 18 anos que participasen nos últimos campionatos de Europa ou Campionato do Mundo nunha modalidade non olímpica.

5º. Deportistas maiores de 18 anos que quedasen nos postos 1º ou 2º no Campionato de España do ano 2015, en modalidades non olímpicas.

6º. Deportistas maiores de 18 anos que ocupen os postos 1º e 2º do ránking nacional, no momento da publicación da convocatoria, en modalidades non olímpicas.

#### 11.2.4. Prazas elite.

Seguindo esta orde de prioridades ata cubrir as prazas ofertadas.

1º. Deportistas maiores de 25 anos con participación nos últimos XXOO, xogos paralímpicos.

2º. Deportistas maiores de 25 anos participantes no Campionato do Mundo, Campionato de Europa ou Copa do Mundo nos anos 2014 ou 2015 en modalidades olímpicas ou paralímpicas.

3º. Deportistas maiores de 25 anos que, no momento da publicación da convocatoria, estean entre os 2 primeiros postos do ránking nacional.

4º. Deportistas maiores de 25 anos que participasen coa selección española durante os dous últimos anos.

Estes criterios non serán de aplicación aos deportistas pertencentes ao Proxecto Río 2016 que, cumprindo os requisitos desta convocatoria, terán acceso directo a estas bolsas, supeditando, en todo caso, a adxudicación á garantía da máxima rendibilidade e utilidade do centro, dos seus servizos e das súas instalacións.

#### Artigo 12. *Equipo técnico proposto pola federación correspondente*

12.1. As federacións disporán dun equipo técnico para o correcto desenvolvemento do proxecto deportivo presentado (anexo II), en todo caso, atendendo ao establecido nesta convocatoria. A relación laboral entre os membros do equipo técnico e a federación depor-



tiva da que dependen deberá axustarse, en todo momento, á lexislación laboral vixente. En ningún caso este persoal federativo gardará relación laboral ou doutro tipo coa Secretaría Xeral para o Deporte.

- O equipo técnico estará formado por:
  - Un adestrador responsable da sección deportiva obrigatoriamente.
  - Un substituto nomeado para cubrir as ausencias do responsable obrigatoriamente.
  - Un ou varios adestrador/es responsable/s de grupo con carácter opcional.

#### 12.2. O adestrador responsable da sección deportiva.

Será a persoa con maior responsabilidade desa sección deportiva no CGTD e deberá cumprir os seguintes requisitos:

a) Titulación: licenciado ou grao en Ciencias da Actividade Física e o Deporte, ou título de Técnico Deportivo Superior, ou Adestrador Deportivo de Nivel III ou equivalente da modalidade deportiva correspondente.

b) Experiencia: acreditar un mínimo de 3 anos como adestrador coa titulación exixida.

c) Non estar afectado por incompatibilidade.

d) Deberá estar presente nos adestramentos.

#### 12.3. Adestrador de grupo.

Terá a responsabilidade do seu grupo de adestramento e deberá cumprir os seguintes requisitos:

a) Titulación: licenciado en Ciencias da Actividade Física e o Deporte, ou título de Técnico Deportivo Superior, ou Adestrador Deportivo de Nivel III ou equivalente da modalidade deportiva correspondente.

b) Non estar afectado por incompatibilidade.

c) Deberá estar presente nos adestramentos do seu grupo.



#### 12.4. Prohibicións.

Os membros do equipo técnico non poderán adestrar a outros deportistas no horario do grupo de adestramento do CGTD sen autorización da Dirección.

#### 12.5. Funcións dos adestradores.

Serán as recollidas nos anexos IV e V da presente convocatoria.

Sen prexuízo do anteriormente dito, A Secretaría Xeral para o Deporte poderá desestimar a proposta do responsable dos programas e/ou doutros membros do equipo técnico feita pola federación deportiva que solicita a autorización, fundamentando a súa decisión no incumprimento dalgún dos requisitos anteriores, ou ben por informe desfavorable por parte da comisión de selección, fundamentado por unha falta de compromiso co proxecto educativo do centro entre outras posibles causas.

#### Artigo 13. *Procedemento para cubrir unha baixa no grupo de tecnificación*

As baixas que se produzan teñen que ser comunicadas por escrito pola federación á dirección de correo [cgtd@xunta.es](mailto:cgtd@xunta.es) para que poidan ser cubertas. Para iso, na primeira semana de setembro, abrirase un prazo para que as federacións poidan presentar unha proposta para cubrir esas baixas producidas no grupo de tecnificación. Esta proposta poderá estar formada por deportistas non incluídos na relación presentada no momento da convocatoria de prazas.

As baixas cubriranse, se así o considera oportuno a Secretaría Xeral para o Deporte, con deportistas pertencentes a calquera das federacións con presenza no CGTD que cumpran cos requisitos de curso e xénero, valorándose prioritariamente os resultados deportivos obtidos no último ano.

#### Artigo 14. *Obrigas do deportista bolseiro*

O deportista bolseiro estará obrigado a:

- Adestrar co técnico que lle asigne a súa federación.
- Someterse aos controis de dopaxe segundo a normativa en vigor.
- Pasar o control médico obrigatorio nos servizos médicos do CGTD.





- Formalizar o seu ingreso previamente a súa incorporación nas oficinas do CGTD.
- Cumprir a normativa contida no Regulamento de réxime interno do CGTD.

#### Artigo 15. *Posibilidade de revogación*

##### 15.1. Revogación dun programa.

Os programas poderán ser revogados ao longo do curso nas seguintes circunstancias:

- A instancia do presidente da federación galega correspondente, co acordo da asemblea xeral da súa federación.

##### 15.2. Revogación dunha bolsa.

A bolsa concedida a un deportista poderá ser revogada polas seguintes causas:

- Inadaptación ás normas de convivencia.
- Dar positivo nun control de dopaxe ou negarse a pasalo.
- Poderase revogar a bolsa se o recoñecemento médico do CGTD conclúe que non é apto.
- Poderase cancelar a bolsa porque así o solicite o deportista ou os seus pais/titores legais, no caso de ser menores de idade, sempre que veña motivada por causas xustificables.
- Igualmente poderase cancelar por motivos disciplinarios no caso de faltas moi graves segundo o Regulamento de réxime interno do centro.

### CAPÍTULO III

#### **Bolsas para as instalacións situadas en Vilagarcía de Arousa, Centro Galego de Vela**

#### Artigo 16. *Natureza, número e duración das bolsas*

##### 16.1. Natureza.

Está dirixida a deportistas que naveguen en clases olímpicas de tecnificación así como de alto rendemento (con posibilidade de clasificación a Río 2016) e con 16 anos cumpridos en adiante.



Os beneficios desta bolsa corresponderán á utilización das instalacións do Centro Galego de Vela situado na Rampa de Cavadelo, s/n, na localidade de Vilagarcía de Arousa e aos medios técnicos (adestradores) a disposición do centro.

#### 16.2. Número de bolsas.

Convócanse un máximo de 25 prazas.

A Secretaría Xeral para o Deporte, vista a proposta da comisión de selección, poderá cubrir ou non a totalidade das prazas ofertadas.

#### 16.3. Duración das bolsas.

A duración das bolsas será desde o 15 de setembro de 2015 ata o 14 de setembro de 2016.

#### Artigo 17. *Requisitos de acceso*

Poderán ser beneficiarios das bolsas para deportistas no Centro Galego de Vela todos aqueles deportistas que cumpran os requisitos de acceso que se detallan a continuación:

- a) Ter nacionalidade española.
- b) Estar empadroados nalgún municipio de Galicia.
- c) Ter licenza federativa por algún club adscrito a Federación Galega de Vela.
- d) Ter acreditado un nivel alto en clases xuvenís, tendo asistido a campionatos europeos ou mundiais coa Selección Nacional.
- e) Cumprir os requisitos antropométricos necesarios para a clase na que vai adestrar.
- f) Presentar o programa anual de adestramento, concertado co equipo técnico. Este programa deberá cubrir os seguintes aspectos:
  - *Planning* anual de adestramentos e competicións.
  - Establecemento de obxectivos.



- Modelo de informe mensual na táboa de execución facilitado polo adestrador.
- *Planning* programación física e nutricional.

Non poderán obter a condición de beneficiarios aquelas persoas que concorren nalgunha das circunstancias establecidas a continuación:

– Ter un informe negativo da Dirección do CGV e ratificado pola Secretaría Xeral para o Deporte a través da comisión de selección (punto 8.2. da presente convocatoria) sobre o seu comportamento durante a súa estancia no Centro Galego de Vela.

– Estar sancionado en firme por dopaxe.

– Estar sancionado en firme por algunha das infraccións previstas no artigo 14 do Real decreto 1591/1992, do 23 de decembro, sobre disciplina deportiva (BOE do 19 de febreiro de 1993).

– Estar sancionado en firme por algunha das infraccións previstas no artigo 97 da Lei 3/2012, do 2 de abril, do deporte de Galicia.

#### Artigo 18. *Criterios de valoración*

##### 18.1. Criterios de valoración para os deportistas de tecnificación.

##### 18.1.1. Criterios deportivos prioritarios:

- Deportista membro da selección nacional da súa categoría nos anos 2014 e 2015.
- Deportistas con participación en XXOO ou xogos paralímpicos.
- Deportistas participantes no Campionato do Mundo, Campionato de Europa ou Copa do Mundo en clases olímpicas ou paralímpicas.
- Posto de relevancia no ránking nacional.

Estes criterios non serán de aplicación aos deportistas pertencentes ao Proxecto Río 2016 que, cumprindo os requisitos desta convocatoria, terán acceso directo a estas bolsas, supeditando, en todo caso, a adxudicación a garantía da máxima rendibilidade e utilidade do centro, dos seus servizos e das súas instalacións.



Artigo 19. *Equipo técnico proposto pola federación correspondente*

19.1. As federacións disporán dun equipo técnico para o correcto desenvolvemento do proxecto deportivo presentado (anexo II).

19.2. A relación laboral entre os membros do equipo técnico e a federación deportiva da que dependen deberá axustarse en todo momento á lexislación laboral vixente.

19.3. En ningún caso este persoal federativo gardará relación laboral ou doutro tipo coa Secretaría Xeral para o Deporte.

Artigo 20. *Obrigas dos deportistas bolseiros*

a) Cumprimento e revisión mensual do programa anterior.

b) Adestrar un mínimo de 15 días ao mes (o menos 5 horas no centro e 3 na auga) no Centro Galego de Vela.

c) Asistencia obrigatoria ás convocatorias de nivel autonómico, nacional ou internacional. Estas convocatorias contabilizarán no cómputo xeral da letra f.

d) Asistencia obrigatoria ás competicións clasificatorias para o Equipo Preolímpico Español, no caso de ser seleccionado polo equipo técnico.

e) Cumprimento do contrato de cesión ou de uso compartido do material, no caso de ter material cedido pola Federación Galega de Vela.

Artigo 21. *Posibilidade de revogación*

A bolsa concedida a un deportista poderá ser revogada polas seguintes causas:

– Inadaptación ás normas de convivencia.

– Dar positivo nun control de dopaxe ou negarse a pasalo.

– Poderase cancelar a bolsa porque así o solicite o deportista ou os seus pais/titores legais, no caso de ser menores de idade, sempre que veña motivada por causas xustificables.



– Igualmente poderase cancelar por motivos disciplinarios no caso de faltas moi graves segundo o Regulamento de réxime interno do centro.

Santiago de Compostela, 29 de xuño de 2015

José Ramón Lete Lasa  
Secretario xeral para o Deporte





**XUNTA DE GALICIA**  
 PRESIDENCIA  
 Secretaría Xeral para o Deporte

## ANEXO I

PROCEDIMENTO <b>BOLSAS DE TECNIFICACIÓN E RENDEMENTO DEPORTIVO NO CENTRO GALEGO DE TECNIFICACIÓN DEPORTIVA</b>	CÓDIGO DO PROCEDIMENTO <b>PR952A</b>	DOCUMENTO <b>SOLICITUDE</b>
---	---	--------------------------------

**DATOS DA ENTIDADE SOLICITANTE**

RAZÓN SOCIAL NIF

TIPO DE VÍA NOME DA VÍA NÚMERO BLOQUE ANDAR PORTA

CP PROVINCIA CONCELLO LOCALIDADE

TELÉFONO FAX CORREO ELECTRÓNICO

**E, NA SÚA REPRESENTACIÓN** (deberá acreditarse a representación fidedigna por calquera medio válido en dereito)

NOME PRIMEIRO APELIDO SEGUNDO APELIDO NIF

EN CALIDADE DE

**ENDEREZO PARA OS EFECTOS DE NOTIFICACIÓN** (non é necesario se coincide co anterior)

TIPO DE VÍA NOME DA VÍA NÚMERO BLOQUE ANDAR PORTA

CP PROVINCIA CONCELLO LOCALIDADE

TELÉFONO FAX CORREO ELECTRÓNICO

**DATOS DA SOLICITUDE**

FEDERACIÓN DEPORTIVA GALEGA DE

SOLICITA PARA O CURSO 2015/16

GRUPO DE TECNIFICACIÓN

GRUPO DE RENDEMENTO

**A PERSOA REPRESENTANTE DECLARA**

- Que os datos contidos nesta solicitude e nos documentos que se achegan son certos.
- Que acepta as bases da convocatoria de subvención establecidas na resolución.

**DOCUMENTACIÓN QUE SE PRESENTA**

Anexo II: proxecto de tecnificación e/ou rendemento para o curso 2015/16

Anexo III: proposta equipo técnico

Anexo IV: adestrador/a responsable da sección deportiva: declaración de coñecemento das súas funcións e declaración de non estar en situación de incompatibilidade

Anexo V: adestrador/a responsable de grupo: declaración de coñecemento das súas funcións

Anexo VI: valoración dos/das deportistas

Documentación requerida no anexo III das bases da convocatoria

En cumprimento do disposto no artigo 5 da Lei orgánica 15/1999, do 13 de decembro, de protección de datos de carácter persoal, infórmase de que os datos persoais que facilite neste formulario quedarán rexistrados nun ficheiro de titularidade da Xunta de Galicia, cuxa finalidade é a xestión e rexistro deste procedemento. A persoa interesada poderá exercer os dereitos de acceso, rectificación, cancelación e oposición ante a Secretaría Xeral para o Deporte, como responsable do ficheiro, solicitándoo mediante o envío dun correo electrónico a: secretaria.deporte@xunta.es





**XUNTA DE GALICIA**  
PRESIDENCIA  
Secretaría Xeral para o Deporte

**ANEXO I**  
(continuación)


**LEXISLACIÓN APLICABLE**

Resolución do 29 de xuño de 2015, da Secretaría Xeral para o Deporte, pola que se establecen as bases reguladoras para a concesión de bolsas, en réxime de concorrencia competitiva, de tecnificación e rendemento deportivo para o Centro Galego de Tecnificación Deportiva para a tempada 2015/2016 e se procede á súa convocatoria.

**SINATURA DA PERSOA REPRESENTANTE**

Lugar e data

,  de  de



Centro Galego de Tecnificación Deportiva en Pontevedra

CVE-DOG: eyhxtw00-vcm8-5qv0-cv56-810ty14z0g12



**XUNTA  
DE GALICIA**

ISSN1130-9229

Depósito legal C.494-1998

<http://www.xunta.es/diario-oficial-galicia>



**XUNTA DE GALICIA**  
PRESIDENCIA  
Secretaría Xeral para o Deporte

## ANEXO II

## PROXECTO DE TECNIFICACIÓN E/OU RENDEMENTO DEPORTIVO NO CGTD PARA O CURSO 2015/16

## DATOS DA ENTIDADE SOLICITANTE

RAZÓN SOCIAL

NIF

## E, NA SÚA REPRESENTACIÓN

NOME

PRIMEIRO APELIDO

SEGUNDO APELIDO

NIF


EN CALIDADE DE

## ÍNDICE DO PROXECTO DEPORTIVO

1. Equipo técnico: propostas do/da adestrador/a responsable da sección deportiva e dos/das adestradores/as responsables de grupo
2. Obxectivos xerais do programa de tecnificación e/ou rendemento
3. Criterios metodolóxicos xerais
4. Temporalización do curso
5. Competicións de referencia en 2015
6. Competicións de referencia en 2016
7. Indicadores de rendemento deportivo na elite da modalidade, ordenados de maior a menor importancia
8. Escalas de puntuación empregadas para a valoración dos indicadores de rendemento deportivo na elite, para idades de tecnificación deportiva
9. Relación completa das solicitudes recibidas
10. Relación, por orde de preferencia, de deportistas propostos para o curso 2015/16. Reflectir tanto os que renovan praza como as novas incorporacións
11. Achega directa da Federación Española correspondente ao programa de tecnificación e/ou rendemento do centro
12. Outra información de interese (resumo do plan de tecnificación da federación deportiva, convenios subscritos con outras federacións, etc.)

## SINATURA DA PERSOA REPRESENTANTE

Lugar e data

 ,  de  de 

**XUNTA  
DE GALICIA**

ISSN1130-9229

Depósito legal C.494-1998

<http://www.xunta.es/diario-oficial-galicia>





## PROPOSTA EQUIPO TÉCNICO

<b>1. DATOS PERSOAIS</b>								
NOME		PRIMEIRO APELIDO		SEGUNDO APELIDO		NIF		
<input type="text"/>		<input type="text"/>		<input type="text"/>		<input type="text"/>		
DATA DE NACEMENTO			LUGAR DE NACEMENTO					
<input type="text"/>			<input type="text"/>					
TIPO DE VÍA		NOME DA VÍA			NÚMERO	BLOQUE	ANDAR	PORTA
<input type="text"/>		<input type="text"/>			<input type="text"/>	<input type="text"/>	<input type="text"/>	<input type="text"/>
CP	PROVINCIA	CONCELLO		LOCALIDADE				
<input type="text"/>	<input type="text"/>	<input type="text"/>		<input type="text"/>				
TELÉFONO		TELÉFONO MÓBIL		CORREO ELECTRÓNICO				
<input type="text"/>		<input type="text"/>		<input type="text"/>				
TITULACIÓN ACADÉMICA/DEPORTIVA								
<input type="text"/>								
FORMACIÓN DEPORTIVA/FEDERATIVA								
<input type="text"/>								
ANOS EXERCENDO COMO ADESTRADOR/A								
<input type="text"/>								
<b>2. CARGO QUE OCUPA NO GRUPO DE ADESTRAMENTO</b> (punto 1 do anexo II: equipo técnico)								
<input type="text"/>								
<b>3. CINCO MELLORES RESULTADOS EXERCENDO COMO ADESTRADOR/A</b>								
<input type="text"/>								
<input type="text"/>								
<input type="text"/>								
<input type="text"/>								
<input type="text"/>								
ACHEGAR EN CASO DE NOVA INCORPORACIÓN:								
– Copia da titulación requirida na convocatoria								
– Certificado da federación deportiva que acredite un mínimo de tres anos de experiencia, se é o caso								
– Documento que indique o tipo de relación laboral prevista								
Lugar e data								
<input type="text"/>		,	<input type="text"/>	de	<input type="text"/>	de	<input type="text"/>	
Asdo.:								
<input type="text"/>								
Presidente da Federación Galega de								
<input type="text"/>								





**XUNTA DE GALICIA**  
PRESIDENCIA  
Secretaría Xeral para o Deporte

## ANEXO IV

**ADESTRADOR/A RESPONSABLE DA SECCIÓN DEPORTIVA: DECLARACIÓN DE COÑECEMENTO DAS SÚAS FUNCIÓNS E  
DECLARACIÓN DE NON ESTAR EN SITUACIÓN DE INCOMPATIBILIDADE**


**FUNCIÓNS DO/DA ADESTRADOR/A RESPONSABLE**

- Coordinar aos/ás adestradores/as responsables dos grupos de adestramento da súa sección
- Informar a Dirección do CGTD de todo o que teña que ver coa súa sección
- Elaborar o programa de adestramento para o curso, indicando obxectivos, contidos, metodoloxía, sistemas de avaliación, horarios de adestramento e calendario de competicións
- Programar e supervisar os adestramentos dos/das deportistas
- Avaliar o proceso de adestramento e o seu resultado
- Recomendar a renovación ou non renovación dun/dunha deportista
- Contribuír a que as actividades do centro se desenvolvan nun clima de respecto e valores
- Tutoría, orientación, dirección e apoio aos/ás deportistas durante o tempo dedicado ao adestramento e sempre con atención persoal no marco horario establecido
- En relación aos/ás deportistas do grupo de tecnificación: informar a familia e os/as tutores/as do centro sobre as ausencias á clase e/ou aos servizos de residencia, como consecuencia da participación dos/das deportistas en competicións deportivas incluídas na programación xeral anual
- Elaborar a avaliación deportiva trimestral e a memoria deportiva anual
- Aceptar as normas do Regulamento de réxime interno do centro
- Manter actualizado o inventario do material do CGTD
- Responsabilizarse do almacenamento, bo uso e control do material do CGTD

D./Dña. adestrador/a responsable da sección deportiva da Federación Galega de **DECLARO**

- Coñecer e aceptar todas as funcións xerais encomendadas como adestrador/a responsable da sección deportiva no curso 2015/16.
- Que non desempeño posto ou actividade no sector público nin realizo actividades privadas incompatibles ou que requiran recoñecemento de compatibilidade. Declaro tamén que non percibo pensión de xubilación, retiro ou orfandade por dereitos pasivos ou por calquera réxime da Seguridade Social público e obrigatorio.

Lugar e data

,  de  de Asdo.: 

**XUNTA  
DE GALICIA**

ISSN1130-9229

Depósito legal C.494-1998

<http://www.xunta.es/diario-oficial-galicia>

**ADESTRADOR/A RESPONSABLE DE GRUPO: DECLARACIÓN DE COÑECEMENTO DAS SÚAS FUNCIÓNS****FUNCIÓNS DO/DA ADESTRADOR/A RESPONSABLE**

- Programar e supervisar os adestramentos dos/das deportistas ao seu cargo
- Avaliar o proceso de adestramento e o resultado dos/das deportistas baixo a súa responsabilidade
- Informar o/a técnico/a responsable da sección deportiva de todo o que teña que ver cos seus deportistas e coa súa función como técnico/a responsable dun grupo de adestramento
- Contribuír a que as actividades do centro se desenvolvan nun clima de respecto e valores
- Tutoría, orientación, dirección e apoio aos/ás deportistas durante o tempo dedicado ao adestramento e sempre con atención persoal no marco horario establecido
- En relación aos/ás deportistas do grupo de tecnificación: informar a familia e a persoa responsable da sección deportiva das competicións, concentracións, etc. nas que van participar os seus deportistas
- Aceptar as normas do Regulamento de réxime interno do centro

D./Dña.   
membro do equipo técnico do grupo de adestramento da Federación Galega de   
desempeñando as funcións de

**DECLARO**

Cóñecer e aceptar todas as funcións xerais encomendadas como adestrador/a responsable dun grupo de adestramento no curso 2015/16.

Lugar e data

,  de  de

Asdo.: 



**XUNTA DE GALICIA**  
 PRESIDENCIA  
 Secretaría Xeral para o Deporte

## ANEXO VI

## VALORACIÓN TÉCNICA DOS/DAS DEPORTISTAS

GRUPO (tecnificación ou rendemento)

**1. DATOS PERSOAIS**

NOME  PRIMEIRO APELIDO  SEGUNDO APELIDO  NIF

DATA DE NACEMENTO  LUGAR DE NACEMENTO

TIPO DE VÍA  NOME DA VÍA  NÚMERO  BLOQUE  ANDAR  PORTA

CP  PROVINCIA  CONCELLO  LOCALIDADE

TELÉFONO  TELÉFONO MÓBIL  CORREO ELECTRÓNICO

ESTUDOS REALIZADOS NO CURSO 2014/15

SÓ PARA O GRUPO DE TECNIFICACIÓN PROMOCIONA EN XUÑO DE 2015  
 SI  NON

NOTA MEDIA DO EXPEDIENTE EN XUÑO DE 2015 (cubrir só se aprobou todo)

ESTUDOS PARA REALIZAR NO CURSO 2015/16

CLUB TEMPADA 2014/2015

CLUB TEMPADA 2015/2016

**2. RESULTADOS NAS PROBAS DE RENDEMENTO REFLECTIDAS NO PUNTO 7 DO PROXECTO DEPORTIVO**

	INDICADOR	PROBA-TEST ASOCIADO	DATA	RESULTADO	VALORACIÓN <sup>1</sup>
1º					
2º					
3º					
4º					
5º					

<sup>1</sup> Ver escala de 1 a 5 do proxecto deportivo (anexo II, punto 8)

**3. TRES MELLORES RESULTADOS NAS COMPETICIÓNS DE REFERENCIA (anos 2014/2015)**

ÁMBITO AUTONÓMICO				RESULTADO	
CAMPIONATO GALEGO	CATEGORÍA	DATA	MODALIDADE	POSTO	MARCA

ÁMBITO NACIONAL				RESULTADO	
CAMPIONATO DE ESPAÑA	CATEGORÍA	DATA	MODALIDADE	POSTO	MARCA





**XUNTA DE GALICIA**  
 PRESIDENCIA  
 Secretaría Xeral para o Deporte

**ANEXO VI**  
 (continuación)

**3. TRES MELLORES RESULTADOS NAS COMPETICIÓNS DE REFERENCIA (anos 2014/2015) (continuación)**

ÁMBITO INTERNACIONAL: COA SELECCIÓN ESPAÑOLA				RESULTADO	
CAMPIONATO	CATEGORÍA	DATA	MODALIDADE	POSTO	MARCA

**4. POSTO NO RÁNKING NACIONAL TEMPADA 2014/2015 (para grupo de rendemento)**

**5. POSÚE A CONDICIÓN DE DGAN**

SI  NON

**6. POSÚE A CONDICIÓN DE DAN**

SI  NON

**7. POSÚE A CONDICIÓN DE DAR**

SI  NON

**8. ESTÁ INCLUÍDO NALGÚN PROGRAMA DE AXUDA AO/Á DEPORTISTA OLÍMPICO/A OU PARALÍMPICO/A (indicar cal)**

**9. OS DATOS DOS/DAS DEPORTISTAS PROPOSTOS/AS NO GRUPO DE RENDEMENTO DEBERÁN ESTAR XUSTIFICADOS DOCUMENTALMENTE POLAS RESPECTIVAS FEDERACIÓNS**

Propono a este/a deportista para formar parte do grupo de  para o curso 2015/16. (Tecnificación ou rendemento)

Lugar e data

,  de  de

Asdo.:

Adestrador/a responsable do grupo de adestramento da Federación Galega de

galicia

